

28.11.2001

01/2-011-493/01

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
Komisija za vanjske poslove
Broj: 01/2-011-493,1/01
Sarajevo, 27.08.2001.

ZAPISNIK

sa devete sjednice Komisije za vanjske poslove

Sjednica je održana dana 21.08.2001.godine sa početkom u 10,15 sati.

Sjednici su prisustvovali sljedeći njeni članovi: Marko Amidžić, Mediha Filipović, Sead Buturović, Salih Kulenović, Boro Bjelobrk, a naknadno su došli Momir Tošić, Željko Bilbija i Mediha Filipović.

Sa sjednice su opravdano odsustvovali Mariofil Ljubić i Branislav Lolić.

Na sjednici su prisustvovali i predstavnici iz: Ministarstva vanjskih poslova, g. Ivica Mišić, zamjenik ministra i Ministarstva za evropske integracije, g. Nedjeljko Masleša, zamjenik ministra.

Predsjedavajući Komisije za vanjske poslove predložio je sljedeći

DNEVNI RED

1. Verifikacija zapisnika sa 7. i 8.sjednice Komisije za vanjske poslove Predstavničkog doma Parlamentarne skupštine Bosne i Hercegovine, održane 4.07.2001.godine i 18.07.2001.godine.
2. Pismo zahvale Veleposlanstva Republike Slovenije povodom posjete delegacije Republike Slovenije u BiH i zaključak Komisije za vanjske poslove Predstavničkog doma Parlamentarne skupštine BiH o izvršenju prihvaćenog Protokola za ovu posjetu. Izvjestitelj : Samir Čorović
3. Pregled protokolarnih aktivnosti delegacija Parlamentarne skupštine BiH u narednom periodu i donošenje odluka i zaključaka Komisije. Izvjestitelj: Samir Čorović
4. Izvješće sa 2. proširenog okruglog stola Povjerenstva za odbranu NATO škola, Oberammergau (Njemačka), 25- 29 lipnja 2001.godine. Izvjestitelji ; Marko Amidžić i Željko Bilbija.
5. Informacija o organizaciji i kadrovskoj situaciji u DKP mreži MVP BIH

6. Razmatranje informacije Ministarstva za evropske integracije o aktivnostima Ministarstva na ispunjavanju uvjeta za prijem BiH u Vijeće Evrope. Izvjestitelj: predstavnik Ministarstva za evropske integracije.
7. Razmatranje izvješća o aktivnostima delegacija Parlamentarne skupštine (dostavljenim Komisiji u proteklom periodu):
 - A) Izvješće sa trećeg sastanka Parlamenta JE održanog u Briselu, izvjestitelj dr. Sead Buturović
 - B) Izvješće sa sastanka Političkog komiteta i Komiteta za ljudska prava Vijeća Evrope održanog u Starzburu, izvjestitelj prof.dr. Filipović Mediha
 - C) Izvješće sa sastanka Političkog komiteta i Komiteta za ljudska prava Vijeća Evrope održane u Strazburu, izvjestitelj gosp. Vedran Hadžović.
 - D) Izvješće sa desete godišnje sjednice Parlamentarne skupštine OSCE – a izvjestitelji gosp. Branislav Lolić i gdja. Bahrija Osmanović.
8. Tekuća pitanja

Ad.1. Zapisnici sa 7. i 8. sjednice su jednoglasno usvojeni.

Ad.2. Povodom posjete delegacije Republike Slovenije Parlamentarnoj skupštini BiH, izvjestilac Samir Čorović, prisutne je u cijelosti upoznao sa protokolarnim aktivnostima, nakon čega su se članovi Komisije upoznali sa Pismom zahvale Veleposlanstva Republike Slovenije povodom posjete delegacije Republike Slovenije u BiH i jednoglasno su prihvatili Zaključak da je protokol boravka ove delegacije u potpunosti realiziran.

Ad.3. Komisija za vanjske poslove, razmatrala je materijal broj: 01.2 – 93-47.6/01, od 20.08.2001.godine – Pregled međunarodnih protokolarnih aktivnosti i nakon rasprave u kojoj su učestvovali svi članovi Komisije i zaključili:

- A) Da upozori Kolegij Zastupničkog doma da još nije izabran/određen šef delegacije Parlamentarne skupštine BiH u Vijeću Evrope, te da bi prilikom određivanja skupina za konkretnе posjete trebalo voditi računa o tome da one budu iz sastava delegacije sukladno sposobnostima i izraženom interesovanju zastupnika;
- B) Da se za sljedeću sjednicu komisije uz poziv za sjednicu članovima dostave fotokopije svih prispjelih pozivnica po pojedinim tačkama iz navedenog Pregleda međunarodnih protokolarnih aktivnosti, kao i izvadak iz računara sa popisom zastupnika i podacima o njihovoј stručnoj spremi , interesovanju za pojedine oblasti i poznавanju stranih jezika;
- C) Da insistira na ranijem zaključku o potrebi izrade Platforme nastupa svake delegacije i njenog dostavljanja Komisiji za vanjske poslove u prethodnom postupanju.

U odnosu prema budućim radnjama, Komisija je predložila da se pod 5. posmaranje izbora u Bjelorusiji odredi jedna osoba sa popisa predloženog od OSCE –a, vodeći računa o uvjetima oko poznавanja stranog jezika, a Marko

Amidžić je izrazio svoju profesionalnu zainteresiranost za skup pod 14. Organizacija za prehranu i privredu UN-a, kao i za posjet Republici Hrvatskoj – pošto je odbor za vanjske poslove sabora RH prethodno bio u posjeti Komisiji za vanjske poslove Zastupničkog doma BiH.

Isti materijal, uz dopune staviti i na narednu sjednicu Komisije za vanjske poslove.

Ad.5. Na sjednici Komisije za vanjske poslove prisutnim se obratio zamjenik ministra za vanjske poslove, gospodin Ivica Mišić, upoznavši prisutne o trenutnoj situaciji u DKP mreži koja broji 39 ambasada i 6 stalnih misija te 7 generalnih konzulata. Usmeno obrazloženje Informacije o organizaciji i kadrovskoj situaciji u DKP mreži MVP BIH da je g.Ivica Mišić, zamjenik ministra istakavši: broj i strukturu zaposlenih, potrebu jačanja diplomatske mreže ali i moratorija na zapošljavanje zbog nedostatka proračunskih sredstava (52 diplomatska mjesta nepotpunjena), probleme oko uspostave normalnog ritma izmirivanja obaveza (zakup objekta, režije i sl.); aktivnosti na reorganizaciji MVP-a, na organiziranju službe osposobljavanja naših diplomata i očuvanju nacionalnog balansa zaposlenih u mreži i MVP.

Primajući Informaciju k znanju, na prijedlog g.Bjelobrka,u raspravi su učestvovali svi članovi Komisije nakon čega je zaključeno da se do kraja ove godine, zajedno sa MVP razmotri:

- A) Kadrovski program MVP –a gdje vidimo našeg diplomatu ili mnašeg administratora za 2 i ili 5 godina i kako stvoriti sustav internih normativa u dipolomatskoj službi;
- B) Ciljeve edukativnog programa, i
- C) Zahtjev Komisije da svaki veleposlanik tijekom svog mandata ima dva intervjua pred Komisijom.

Komisija je zaključila da sva pismena akta prema MVP budu upućivana/naslovljena na ministarstva i , ili zamjenike ministra.

Ad.6. Na sjednici Komisije za vanjske poslove prisustvovao je i gospodin Nedjeljko Masleša, zamjenik ministra u Ministarstvu za evropske integracije, s ciljem da upozna prisutne sa Informacijom o aktivnostima za prijem BiH u Vijeće Evrope. U uvodnim napomenama o Informaciji Ministarstva za evropske integracije o aktivnostima za prijem u Vijeće Evrope, g. Masleša je ukazao na sljedeće: Potrebu i obavezu usvajanja stalnog Izbornog zakona BiH, na 18 smjernica Mape puta za izradu studije izvodivosti, te da je to trebalo uraditi do lipnja 2001.godine.

U raspravi su učestvovali članovi Komisije, pri čemu je gdje Filipović skrenula pažnju prisutnim da je prihvatanje Izbornog zakona uslov da Bosna i Hercegovina bude stavljena na dnevni red na sjednici Političkog komiteta koja će se održati u Gruziji u septembru, a potom će na redovnoj sjednici Bosna i Hercegovina biti razmatrana u okviru parlamentarne rasprave, i ako bi se prošao i ovaj nivo rasprave, o prijemu BiH u Vijeće Evrope bi se raspravljalo u novembru.

Komisija je zaključila da insistira na terminima iz Mape puta- na operativnom planu sprovođenja i odgovornostima za te aktivnosti, te da Ministarsko vijeće napravi vlastiti vremenski plan i procjenu izvršenja, da o tome obavijesti EU i realizaciju plana dogovori sa Kolegijem doma , te utvrdi uzajamne odgovornosti o ovom dijelu. Vremenski plan u roku od 30 dana usaglasiti na prvim razinama vlasti u BiH.

Svim članovima Komisije uručen je materijal: DIO B-EU-BiH SMJERNICE (ROAD MAP), ažuriran status i djelovanje potrebo za ispunjenje .

Zaključeno je da se tačke 4. i 7. današnjeg dnevnog reda razmotre na narednoj sjednici Komisije dajući im prioritet u redoslijedu.

Sjednica je završena u 13,00 sati.

Predsjedatelj
Komisije za vanjske poslove
Marko I. Amidžić, dipl.ing.